

庶物類纂

石屬
自七十一至七十二
終


容


太政官文庫			
和	特別	一	二
書	三	三	六
門	二	五	二
類	號	番	函
冊	架	冊	冊
四	六	五	冊


內閣文庫	
番號	和 32362
冊數	465(165)
函號	特 54 1

百四

共冊七








庶物類纂石屬卷之七十一目次
異石


庶物類纂
卷二十一

石屬目次



異石

石屬 異石



異石

至堅莫如石宜無能入其中者然王文秉祖割石毬
 內得蟻蟻蠟錄稽神杜縮割石鎮紙內得小魚雲林石譜陶穀
 破李後主研上圓石內亦有小魚桂陽温恭家藏
 石中有龜夷堅志近時孫克弘守漢陽石中得白龜濟
 寧人剖石得小鵝天寶中李應物開砥柱石中得古
 鐵鐮有平陸字嘉靖間茗溪漁人水中得石如鵝子
 扣之有聲剖之得銅牌一方刻宣聖二字郟縣河上
 灘上有亂石隨手碎之中有魚二三寸明晉安謝肇
瀾文海披沙

燕勿類集卷二十一 石屬異石 二

仙人骨○鎮南山有碎石如朴硝人掘而粉之以敷瘡疾立効世傳仙人曾化於此明潘光祖輿圖備考

天寶石石竺山夷堅志乾道三年居民夜半聞山上聲如震雷旦視山頂有大石方九丈飛落半腰間同上

石中山川人物鴛鴦海馬○平昌黃左卿兄弟墓其先人于江山縣之尹墅里鑿穴僅二尺餘累累皆鵝

子石石之中有山川人物其族人黃州牧九鼎所親見焉一石中有緋裳碧衣人一石中有朝衣冠而執

笏拱立者一石中有紅鴛鴦一對顧影自憐羽毛如

縷一石中有海馬二匹蹠躩怒濤中宛具奔逸絕塵

之勢如此石卵數十擔而後見土乃成窰窰故知山林臯壤之間何所不有昔白樂天嘗以石中物問胡

僧胡僧云此皆空劫時石其質未成物混其中火盡生風而後成石遂孕其中無足怪者乃知石木諸異

皆空劫中事也此論最大明錢希言集

石中金鯉魚○平昌黃家初卜文理山新居相其地在山之麓約二十餘畝鑿之皆五色土土細如麪絕

無砂石深之得一石板長三尺許彷彿如玉圭形匪

石異之發其下有泉一勺之中養金色鯉魚一頭長不踰尺忽躍而起鱗甲爛然涓涓之流亦僅及其脊耳衆以為祥攸然定宅及堂成主人名之曰瑞鯉宅其中央即魚所窟處也未久魚亦化去不知所在趙勒時途中有大石二丈許自立勒命斷之有魚羊之文唐杜綰剖石鎮紙內得小魚鄆縣河灘上有亂石隨手碎之得魚二三寸五代陶穀破李後主研上圓石內亦有小魚是皆有是事而無是理者以古證今何足怪哉○同上


石中蠅○平昌黃家營室於文里山下遇一石礎可高二三寸工不忍鋸欲截其柱輒之主人曰寧斲石

而薄無斲木而短趨令工鋸焉鋸開則中有一玉蠅走出不知所之而石之上下宛然具蠅形在其理難

曉按筆談婺州金華山有朽石又如桃核蘆根蛇蟹之類皆有成石者其地本有之物不足深怪又云石蟹之類蛇蟹所化恐未必然○同上

石中兔○福清縣鄉村化南里中有童子入一石洞洞中有石無故自動持歸鑿開見一白兔在焉取視乃活者置之能走數步有頃僵仆為見風也漸漸如石而後化成闍人何壁所說同上

石中松色水影○見一扇墜不知何石中有古松大



矯翠色隱起而松根有水一池顛倒之水皆會飛動
勢黃禹州記揚百隆言上同
齊書曰虞愿為晉平大守海邊有越王石嘗隱蔽雲
霧相傳曰大守清廉乃得見愿遂往觀清徹無隱
南齊志曰永明七年主書朱靈讓於浙江得靈石十
人舉乃起在水深三尺而浮世祖親投於天淵池試
之刻為佛像

王子年拾遺記曰負嶠之山東有雲石或廣五百步
或四十五十或十數步駁駘如錦扣之則片片翳然

雲出俄而遍潤天下西有星池周千里水色隨四時
變化神蟲有神龜出爛石之上此石常浮於水邊方
數百里其色多紅質虛燒之有煙香聞數百里煙氣
升天則成香雲偏潤天下則成香雨

酉陽雜俎曰常侍崔元亮在洛中嘗閒步沙岸得一
石子大如雞卵黑潤可愛翫之行一里劃然而破有
鳥如巧婦飛去

郡國志曰乞子石在馬湖南岸東石腹中出一小石
西石腹中懷一小石故焚人乞子於此有驗

錄異記曰會稽進士李眺偶拾得一小石青黑平正
溫滑可玩用為書鎮焉偶有蠅集其上驅不去視之
已化為石矣求他蟲試之隨亦化焉殼落堅重與石
無異

天中記曰天下之強者東海之沃燠石焉方三萬里
海水灌之隨盡故水東流而不盈

續墨客揮犀曰朝議郎李芬好奇有異石高二尺許
嵌空可愛嘗置庭檻間每至日方未時即有氣出石
穴中若煙雲之狀依時候之萬不差一因目之為未

石

春秋後傳曰周赧王二十年齊東有二石高三丈餘
相從而行如海數百步

宋史曰建炎三年鼎州有巨石隨大水流下

前趙錄曰赫連勃勃時有青石大如馬頭浮水上逆
流而行行人見而送入群臣咸賀以為石者沈物浮
水者自出之義而上行荆吳入朝之象勃大悅

冊府云太宗以武德九年八月即位九月壬戌林州
獻禎石隱起成文曰聖主某大吉子孫五千歲素質

元字篆隸相參

五行志曰貞觀十七年八月涼州昌松縣鴻池谷有石青質白文成字太宗遣使祭之曰天有成命表瑞負石文字昭然曆數惟永

廣德神異記曰唐齊王元吉於晉陽宮獲青石若龜形文有丹書四字曰李淵萬吉元吉遣使獻之文字映徹宛若龜形見者咸異焉高祖曰令水漬磨以驗之其字愈明於是內外畢賀高祖曰上天明命貺以萬吉宜以少牢祀石龜而酌送之

獨異志曰中宗為天后所廢居房陵仰天而歎心祝之因拋一石於空中曰我復帝此石不落其石遂為樹枝勾挂至今猶存

縉紳雕說曰楊弘裕河朔人一日出郊有使人自北馳騎來問曰子非楊裕乎北岳賜汝物可跪受之使者懷中探一物若帛裹者裕歸焚香啓之得二石鴈一雌一雄左翅掩右者雄也右翅掩左者雌也後生一男一女男名廷璋周朝為飛龍使女為周太祖妃吳池記曰吳縣西三十里花山蒼鬱幽邃晉太康二

年生千葉石蓮花

前趙錄曰劉聰麟嘉二年春正月石人言於宣光殿
丹陽記曰晉惠帝永寧中湖熟縣湖中大石去渚二
百步浮來登岸百姓驚觀或曰石來明年石冰入楊
州

荆楚歲時記曰張騫尋河源得一石示東方朔朔曰
此天上織女支機石何至於此以上淵鑑類函

猶園云楚宗室藏一黃石子如掌大就日中映之有
白衣觀音像一軀在焉眉髮纓絡相好成就中似嵌

穴搖動如活清來元成博學彙書

一統志遼東有蝎臺在故東京城東北隅金大定中
修城役工毀臺取土及半得石函破之中有塊石圓
滑天成搖撼作動盪聲破之有二大蝎尾稍相勾不
解見風即死同上

宋孝宗乾道二年三月丙午夜福清石竹山大石自
移聲如雷石方可九丈所過成蹊才四尺而山之木
石如故同上

機謹按福州府志聞書同

錄異記新北市是景雲觀舊基有一巨石大如柱礎人或坐之躡之遂巡如火燒應心煩熱因便成疾往往致死古老相傳若聚火燒此石吼即瞿塘山吼而水沸又蜀州晉原縣山亭中有二大石各徑二尺已來出地七八尺人或坐之心痛往往不救又是落星東邊者坐即靈西邊者坐之與諸石無異色並帶青白同上

八卦石○閩書歸化縣瀚溪其澗中有大石紋如龜又有八小石如龜四圍繞之如八卦名八卦石同上

天啓壬戌歲予侍先嚴讀書冠山西隱寺八月十六日予與昆季數人奉題課文有數客過訪留飲至初更先君同數人送客下山山麓附一小山曰猫山時望其小山之上忽見光明如燈月之燭即而視之平頂一石星月朗入其中即此石之發光也予與昆季輩以課文未竟不隨見急趣視之則光已沉矣次月十四十五雨夜仍同衆往候約二更初月正照其石上則發光瑩亮約二更末月不正對其石則光沒其石上有黑光數處光中則照見外物故對月而生光

其應月如此同上

浮山靈異石在天池側每霧起輒雨海內奇觀

車牛島在鐵山郡西四十里形如駕車牛因為號島

中多奇巖怪石鳥飛不下人若近之則毛髮森豎凜

凜然不可留春焮官致祭東國輿地勝覽

昭帝元鳳三年春正月泰山大石起立註高丈五尺

大四十八圍入地深八尺三石為足立處有白鳥數

千集其旁是年僵柳復起生有蟲食柳葉曰公孫病

已立符節令睦弘以為石陰類下民象當有廢人為

天子者坐妖言伏誅後宣帝起民間山東通志

青州譙氏大家也其所居堂後有大柿樹圍三丈許

蓋百餘年之物崇寧二年冬雪寒甚木凍裂至根中

有奇石長袤丈紋理瑩然碧色可愛聞者爭觀莫測

其兆多以為祥然自此家道陵替宅于他人居之

復不寧洎宣和末不及三十年屢易主矣以上彙堅

志同上

石飛萬曆九年興寧大信鄉有巨石大十圍高五尺

許飛行一里按全州志嘉靖丙午有石乘風雨雷電

飛入應泉井中狀如龍馬西樵山志元末有石自墜
慶夜飛至西樵土人呼為飛來石其怪相類廣東通志

龍爬石府志舊縣東五里峯崙埠有石枕于海岸長

五尺濶三尺宋嘉定九年天大雷雨龍降其地爪痕

在石如鑿有泉水在石湧出旋為潭鄉人遇旱於此

祈雨同上

黑石元泰定間大星殞於礪嘉之黑初山化為黑石

狀如東瓜上有點如星擊之鏘然有聲人不言舉之

則動言則弗動土人以為怪積薪焚之雷雨交作衆

懼而止明嘉靖間知縣楊江永移置土地祠雲南通志

崇禎十二年歙縣許村石自鳴江南通志

弘治三年春二月施州山崩怪石出江塞石信山崩

有大石二類人形卓立路傍距五里清江南岸山崩

大石塞江水為不流遂壅為灘湖廣總志

洪武二十六年六月望日隕石于蒲圻是日方午空

中有聲如雷民於沸水中得一石色青黑狀類狗頭

人莫能測同上

掌石內江蓬瀛山下雙石屹立狀如合掌峻整巨秀

為一方之奇觀趙文肅曾為之賦四川總志

有石言於魏掄晉侯以問師曠曠曰石不能言或憑焉不然民聽濫也抑聞之作事不時怨譏動於民則有非言之物言也今宮室崇侈民力彫盡石言不亦宜乎叔向以為子野之言君子矣曲沃縣志

仙人掌在城西北一里螺峯之下數石嶙嶙突出山麓石上有掌痕五指宛然如手所印近有石工持斧鑿欲碎之風雨暴至昏仆不能言人以為神其說雖不經然掌跡二尺餘深寸許想巨靈天成非人力所

為也茅謂撐天不然爾在景為石掌仙踪陽山縣志

縣署奇石永寧陳以莊知成都縣日修葺衙宇於土中得石一具約高三尺許廣倍之質理奇崛狀嵌空可愛頂有竅全體貫通以水注之周流噴溢如濺珠灑沫然陳甚奇之為文以紀移置內江王邸中四川總志
元鳳三年正月萊蕪山南白白有數千人聲視之有大石自立高丈五尺大四十八圍入地深八尺三石為足石立處有白鳥數千集其旁今名冠山在萊蕪西南五十里濟南府志



硃砂山廣袤二千餘丈俯瞰長流巉巖峻險上有紅石其大如月其赤如日相傳石艷發則有災寧國縣志

縣西北郊石道間有巖石一片俯臨深溪石上有仙人足跡深二尺濶五尺長丈餘脚趾前後儼然相似明令曹學程有詩寧海縣志

石舌 南十里平坡峙立片石高丈餘廣五尺下巨上狹宛如舌形在章元質先生故里同上

銅鈔石在那社都博落溪中有大石橫過其下有六巖水注其中有聲如雷早聞之即雨雨聞之則晴鄉

人祀其神曰銅鈔大王遇旱禱之輒應瓊山縣志

康熙元年壬寅七夕之夜荷山嶺上有石五塊巉巖臃腫自西南飛來駐菴前菜畦中高安縣志

萬曆九年辛巳大水大信鄉石飛興寧縣志

成化二十三年五月天地昏暗空中有聲如雷尋有黑氣墜地掘之得黑石二一如碗一如雞卵事載典故遺聞東鹿縣志

宋乾德四年縣東七里巨石泝澧而上飛於秀峯之巔作人言曰我故朱梁大將軍武平也上帝命我所

止而祠焉。春秋晉魏榆有石作人言，師曠曰：石不能言，或馮焉，可為斯證。慈利縣志

萬曆十九年六月，鉛錫地方有山，上下皆石，忽然而動，摩盪者三日，人爭觀之。此杭，捏不安之象。其後年遂有番舶失水，鄉民撈搶貨物，被訟被累，雞犬不寧。

惠來縣志

崇禎庚午年七月，百花峰前有大石，行移七步，起立。其行過之迹入地半尺，有餘。余聞其異而觀之，因作賦以紀事。金剛挺秀，百花鍾靈。有石峩峩兮，與山同

峙而並嶸，忽若有五丁効力，鬼伯驅駕，推之而運行。豈真土精星隕，動靜靡恒。石鯨石鸞，風雨飛騰，無亦欲登乎委羽，句曲之勝，點綴其雲英。又或厭乎海隅，炎荒之區，直欲踞嵩華，衡岱以擅名。若夫地有三千六百軸兮，尚有時攪撼震動而不寧。石亦地中之一粒兮，又惡能歷滄桑而不改其形。吾尤慮乎海內名山有五，千三百七十兮，其間硤硤然，竟竟然。安知不移動而紛更，恐有龍伯巨人之搃山而倒海兮，將令葵嶺神江之北，終當以戈鋌而易棘，矜彼杞人之懷。

憂而不忘兮按物理而蚤知乎人事之縱橫仰而問山靈於不言兮歸徘徊於松風之側以志其情邑人陳國

英石行賦
○同上

崇禎三年庚午秋七月百花山石忽起立移行七步

經過之跡入地半尺邑人陳國英有賦同上

萬曆二十三年瓊山那社都澄邁三軍村山石或自

剖開中有小石方形如拇如指者數十顆相連流出

不絕久之乃已瓊州府志

鸚鵡山在城西南四十里屬南鄉都高三十餘丈周

圍十五里其山崢嶸中有巨石形如鸚鵡山南一石

有巨人跡俗云仙人跡萬曆辛巳五月內大雨山忽

裂開下滾一潭深不可測又有奇石如刀削八面者

溢出無數其色或白或黑其狀或小或大甚光瑩端

正亦一異也陽春縣志

石立嘉靖二十三年春縣北千里許宣義鄉有巨石

長博約丈餘忽風雨交作石乃特立聲聞數里耕者

望見皆奔逃迄今屹然永州府志

機謹按湖廣總志縣上有東安二字

龍角石在大嶧山傳為神龍所蛻年久成石天欲雨則雲從石起嶧縣志

虞廟前江邊多巨石其下潭水甚深有崖穴或曰有水怪人多溺死者柳因謁廟識之作大書押字于石上字高三尺廣二尺信宿風雨晦冥雷電大作霹靂巨石兩折逾數日有鼈鼉浮出其後沙漲潭水淺永人鑄押字以記今名雷霹零陵縣志伯華者皇朝成化時人屠者也得道術畫雷兒童掌中伸之有聲市中兒悉出錢與買伯華得錢鬻食自

飽散其餘以給市人有郭姓者為郡小吏大守熊尚初喜之汀賊至大守出兵與戰吏當行伯華告其父曰亡往也昨見大守領兵出城皆喪元鬼矣父曰府公欲之焉避害伯華倏忽使其兒暴下用是得免伯華與郭善遺之青石曰雷石小兒有病就雷石磨水飲之輒愈閩書

羅庚石石圓若盤中一線如針分子午同上按瓊臺外記海外多奇異事山石往往吞人觀地里志至此常以為怪異不經無足致疑不錄可也及觀

地志所錄崖州羅活崗巨石吞人一事冥合因觀程氏遺書先生常言某在南中時聞有採石人因採石陷在石中饑食石膏數年不死後別有採石人見而引之出漸覺身硬纔出風便化為石先生曰此無可怪蓋有此理然後知此等事在先正亦置之有無間而已但云南中所聞人陷石中不言石吞也而復曰引之出是或當時門人紀錄先生語未盡悉也馬氏端臨文獻通攷亦記此其言大同小異要之石之為怪一也春秋石言於晉魏榆師曠曰石何能言或有

鬼神憑焉是石藉人之靈乃能作人言然則人處石中化而為石先生所謂無可怪者此也崑那山被石吞嚼之人所言如此蓋當其被吞之時人已化而為石石藉人而言也世傳此事多不可曉魏榆人言之石或石中有鬼神焉自洪荒以來千萬億年安知前無此事師曠之聰或亦有意意外見歟孔子不語怪此雖正人君子所不道然山海經註君子不遺焉臨高縣志吳中父老相傳二讖一曰穹窿石移狀元來歸一曰潮過夷亭出狀元淳熙初穹窿山中一夕聞風雨聲

詰朝視山半有大石自東徙西屹立如植所過草猶
偃辛丑科吳縣人黃由遂狀元及第夷亭在崑山縣
西三十五里崑山雖濱海自古無潮汐紹興中始有
潮至縣郭至是潮忽大至遂過夷亭李彥平侍御親
見一道人復誦此讖乃告知縣葉自強作問潮館於
水濱甲辰科崑山人衛涇亦為狀元黃衛相繼大魁
天下傳為奇事姑蘇志
筑陽縣水中有孤石挺出其下澄潭時有見此石根
如竹根色黃見者多凶俗號承受石襄陽府志

隋煬帝大業十三年冬有石自江浮入揚子時日光

四散如流血帝方幸江都深惡之儀徵縣志

咸康九年東海有大石自立旁有血流是年趙王石

虎篡立兗州府志

明成化間邑方恪讀書三孝祠日見一蜘蛛自簷畔

垂絲而下伏小圓石上少頃始升恪戲取此石移置

他所蛛復下盤旋久之遂腹裂而死恪疑石有異收

笥中後以歲薦入都取以示客客有識者大驚異問

所從得恪具以告客曰此解毒石也凡人胸膈積毒

無勿須錄

藥石所不能及但以此石磨腹上則毒自消彼蛛多食虫豸伏石上所以解之也離石則毒發此蛛所以死也出百金求易恪曰懷璧其罪不受值而予之阮

志及方氏家乘

○望江縣志

靈石齊永明七年出浙江入水深三尺則浮仁和縣志

雨明石在臨平山北面其石白將雨則明如水晶故名水晶石云同上

松陽卯山乃葉天師修真之地有怪石奇峯形如喬

松有枝葉松陽縣志

菩提山東上峭峯百尋恠石倚巖欲墜不墜遊人牽

絲其下絕無根着至今屹然如故海寧縣志

至正十年三月慶元路奉化州南山石開其大者有

山川人物禽鳥草木之文寧波府志

州治後有石潛江中謂之龍尾州庭左偏有石微露

謂之龍首州人神之圍以欄杆不敢褻慢有時鳴吼

或於其處或於空中聲類鶴而洪大景泰七年鳴三

日州同楊景生子一清於公署後為宰相是年李澈

亦中式學憲章極有詩高州府志

冠山在縣西南五十里漢昭帝元鳳間山忽洶洶如千人聲視之有大石自立高丈五尺四十八圍三石為足一石居上其形如冠見通志

萊蕪縣志

搗石在縣北四十里平原村廣四尺長倍之色瑩黛相傳唐顏魯公為吉州司馬時行部嘗過其地撫此石愛而憇焉謂可搗衣試扣其聲果清越今更千年土花不蝕後有冒公裔者竊徙不里許雷雨忽作乃置之去其子孫居平原者多稱搗石顏云

永新縣志

搗石之名久矣唐魯公官吉州道過花溪見一石秀

潤如玉扣之作琴音餘響不絕公謂四面方平得非古之砧石乎及月夜人聞搗衣聲就之聲出石間使人有秋風千里之思至今稱為搗石者因魯公也公五世孫詡來為令訪求祖蹟愛花溪山水清絕遂家焉有子七人孫枝甚衆琅生歲時展祭入祠見石興思魯公後祠燬石存土花不蝕爰率子弟毓奇耀輝等建亭覆之存古蹟實重祖德也是為記

顏琅生搗石記

至正十二年七月紅巾賊寇縣人民竄居報恩寺門

外六石起舞如拒擊然賊懼退

福寧州志


棗陽有青紅白黃四色其白者向北拱如遇朝廷取
用先期鶴鶴畢集居民知必有大工

襄陽府志

唐物類纂石屬卷之七十二目次

異石

本草綱目卷之二十二




異石

本草綱目卷之二十二

石屬 異石

廣雅釋詁



異石

元后在家嘗有白鷺銜白石大如指墜后績筐中后取之石自剖為二其中有文曰母天地后乃合之遂復還合乃寶錄焉後為皇后常并置璽笥中謂為天

璽也晉葛洪西京雜記

五鹿充宗受學於弘成子成子少時嘗有人遇之授以文石大如鷺卵成子吞之遂大明悟為天下通儒成子後病吐出此石以授充宗充宗又為碩學也上同漢書曰昭帝時太山萊蕪山南有數千聲民視之

燕勿類纂

卷二十一

石屬 異石 二

有大石自立高一丈五尺大三十八圍入地深八尺
三石為足立後有白鳥數十集其傍宣帝中興之瑞
也晉羅含
湘中記


桀時泰山山走石泣先儒說桀之將亡泰山三日泣
今泰山山石遠望之若人泣蓋是也周武謂周公曰
桀為不道走山泣石梁任昉
述異記

吳興故鄆縣東三十里有梅溪山山根直豎一石可
圍百餘丈至青而圓如兩間屋大四面斗絕仰之于
雲外無登陟之理其上復有盤石圓如車蓋恒轉如

磨聲若風雨土人號為石磨轉快則年豐轉遲則歲
儉欲知年之豐儉驗之無失梁吳均續
齊諧記

晉書曰漢末博士熒煌侯瑾善內學弱水出流沙流
沙與水流行也在西海郡北山有赤石白石以兩石
相打則水潤打之不已則潤盡火出山石皆然炎起
數丈不滅有大黑風自流沙出奄之乃滅其石如初
不敢輕近耳唐李石續
博物志

異苑曰永康王曠井上有一洗石時見赤氣後有二
胡人寄宿忽求買之曠怪所以未及度錢子婦孫氏



觀二黃鳥鬪於石上疾往掩取變成黃金胡人不知

索市愈急既得撞破石內空段有二鳥處唐歐陽詢藝文類聚

異字境山西有石壁壁間十餘字色黃不似鐫刻狀

如科斗莫有識者唐段成式酉陽雜俎

醢石成式群從有言少時嘗毀鳥巢得一黑石如雀

卵圓滑可愛後偶置醋器中忽覺石動徐視之有四

足如縱舉之足亦隨縮同上

後趙錄云塗中有大石二丈許自立石勒命斷之有

魚羊之文于是字玄羊唐陸勳志怪錄

西門季玄造二色酒白酒中有墨花斟於器中花亦

不散其中有肝石故也崔道旅以金銀銅錢來酌曰

以我三樣錢買君二色酒欲辭得乎常新錄○唐馮贄雲仙雜記

婺源縣有大黃石自山墜于谿側瑩徹可愛群犬見

而競吠之數日村人不堪其喧乃相與推致水中犬

又俯水而吠愈急取而碎之犬乃不吠出稽神錄○太平廣記


機謹按婺源縣志引稽神錄婺源縣上有唐永徽

元年字

甕形石○潘祚為鄱陽令縣治後連帶石城其中隙

荒數十畝，祚嘗還家，望日於此見城，下草中有光高數丈，其間荆棘蒙密，不可夜行，即取弓射其處，以志之。明日掘其地，得一甕，大腹小口，青石塞之。祚命舁歸其家，發其口不可開，令擊碎之，乃一石如甕之形。石冰凍之凝結者，復碎而棄之於中，訖無所得。宋徐鉉稽錄神 禪林法要云：大石周圍八十里，有天人着六銖衣，下拂其石，每一劫一拂，不盡乃終劫也。宋邵文伯五色線 宜興縣之西地名石庭，其地十餘里，皆古梅苔、薜蘿、蒼

翠梅間有小溪流，水橫貫交午橋，下多小石，圓淨可愛。時有產花鳥及人物者，近世以來則有騎而笠者，蓋天地之氣亦隨時而賦，形尤可異也。宋周密癸辛雜識續集 嘉禾北門有孩兒橋，橋欄四角皆石刻孩兒，因名之。不知何時所建，歲時既久，遂出為怪。或夜出叩人門，戶求食，或於月夜遊戲于市，人多見之。一夕有膽勇者，至夜密伺，果見其三，二石孩兒徐徐自橋而下，遂大呼有鬼，以刀逐至其處，斫去其頭，怪遂絕。宋魯應龍括異志



紹興有士夫家有異石起峰峰之趾有一穴其中水應潮自生以之供硯滴嘉定間越師以重價得之宋趙

希鵠洞天清錄

挂陽軍書吏温恭為小吏時受差語潭府因暫祇役於轉運主管廳一日數客來主人留與飲話及青物自入室發筭取之既出示乃一青石高七寸廣半之清潤光瑩如試金石衆爭傳觀未睹其異也旋命注水滿一盆寘石於中俄有小龜從石腹緩行而上時時矯首顧盼主人戒客勿逼近恐為人氣所襲教授

獨不信趨而前龜即隱伏不見覆水尋覓石原無穴罅莫竟所以然主管者忘其名姓亦不言得於何處也何子楚春渚紀聞載丁晉公屬端守求佳硯硯工見有飛鷺翹注潭心意非立鷺之所因令没入視之下有圓石大如米斛塊處潭中疑有異即日守集漁戶維舟出之石登岸轉側有涵水聲叢手攻剖未得一石於泓中又云徐州護戎陳臯於田間得瑪瑙硯盃以貯水注硯因問視之中有一鰈長三寸許游泳可愛意謂偶汲他水得之不為異也後取置缶中盡

出餘水驗之魚不復見後酌水滿中須臾一魚泛然而起及取之終無形體可拘不知為何寶也二者與石龜正同宋洪邁分類夷堅志

漢昭時太山南亾亾有數千人聲大石自立白頭鳥集傍上林苑中枯柳自起虫食樹葉成文曰公孫病已當立宋孔侯白孔六帖

松風石唐杜陽雜編曰武宗會昌元年大食國貢松風石方一丈瑩徹如玉其中有樹形若枯松偃蓋颯颯焉而涼颯生於其間至盛夏上令置諸殿內稍稍

秋氣颯颯即令徹去同上

機謹按事言要玄引杜陽編大食國作夫餘國

影燈記曰上元夜蕭餘於宣陽里酒盤下得一物如人眼睛其體類美石光影射人每置掌中遊闇處輒光明三尺許後因雨飛去同上

南漢劉鋹四年宮中井傍石自立行百餘步而仆同上夏后氏生而母化為石此事之異聞者說見世紀蓋原禹母獲月精石如薏苡吞之而生禹也淮南之修務云禹生於石注謂修己感石坼胸而生故說者以



為夏后生而母復為石今登封東北十里有廟廟有一石號啓母石應邵劉安郭璞李彤隨巢王烟王韶竇莘等皆云啓母歷代崇祀亦以為之啓母按元封元年武帝幸緱氏制曰朕用事華山至中岳見夏后啓母石伏云啓母化為石啓生其中地在嵩北有少室姨神廟登封北十二里云啓母之姨而偃師西二十有五復有啓母小姨行廟淮南子禹通轆轤山欲餉聞鼓乃來禹跳石誤中鼓塗山忽至見禹為熊羆而去至嵩山下化為石禹曰歸我子石破北方而生

啓蓋本乎此事正與廣德所祠烏程張渤疏聖河夫人李餉至鳴鼓事正同見事寔乃桐汭志謾錄等故記以為大禹之化厥有繇矣雖然啓母之廟顧野王盧元明等又以為之陽翟婦人高高記云陽翟婦妊三十月子從背出五歲入山學道為母立祠曰開母祠則又疑歷載傳訛故得而為之說宋羅泌路史婆利國有石名坤貝羅初采之柔軟及刻削為物暴乾之遂大硬宋馬端臨文獻通考春秋昭公八年春石言於晉晉平公問師曠對曰石

不能言神或馮焉作事不時怨讎動於民則有非言之物而言於是晉侯方築虎祁之宮虎祁地在絳水西臨汾水劉歆以為金石同類是為金不從革失其性也劉向以為石白色為主屬白祥同上

漢孝昭元鳳三年正月泰山萊蕪山南白白有數千人聲民視之有大石自立高丈五尺大四十八圍入地深八尺三石為足石立處有白鳥數千集其旁眊孟以為石陰類下民象太山岱宗之岳王者易姓告代之處當有庶人為天子者孟坐伏誅同上


擣帛石嵩山之上有玉女擣帛石瑩微光潔人莫能測岳下人云立秋前一日中夜常聞杵聲響五代秦再思紀

異○合璧事類

鵲化為石常山張顥為梁相時天新雨後有鳥如山鵲飛翔市人擲之墜地爭取即收鵲化一員石顥推破之得一金印文曰忠孝侯印搜神記

焚文進瑞石后暴石朝堂示百官馮元常奏石妄偽不可以示群臣后怒出為隴州刺史同上

虛谷東英巨山巖內有石人坐磐石上體上塵穢則



興風濕潤則致雨晴日便舉體鮮潔朗然玉淨錦繡萬花


余鄉延溪廠有石犀牛其來頗久近歲居民藝麥被隣牛夜食幾盡牛主懼其訟已乃故言曰早見牧兒言石犀汗如喘又口有餘青食隣麥者殆是乎衆皆信然謂石犀歲久變物于是藝麥家持石往斷犀足不復疑隣牛云嗟夫隣牛食麥石犀受擊石犀之形以一擊壞石犀之名以衆口神凡事如是何可不揆諸理棘寺江盈科雪濤談叢○續說郛

夫餘國貢松風石方一丈瑩徹如玉中有樹形若古

松偃蓋颯颯風生李日華時物典彙

大業初造釣臺時運石者將船至江東岸山下取石忽有大石如牛十餘自山頂飛下直入船內如人安置船無傷損同上

分寧陳志甫氏莊有塊石方二尺許佃氓時以為植藁為業屢之用陳至莊宿更盡起步月忽聞雞鳴視之一雞在石上即之一無所有陳疑之令人移數步外次宿驗其有無則其鳴如故後揭以歸每當月夜



置之月光中其雞必鳴獨其子公允者不信以為頑石剖視之中有二雞一雌一雄文采粲然可怪也哉

明牛衷埤雅廣要

遂昌縣徐孟芳母舅見沙洲一石自行自走異之遂拾以歸後碎之實石也他無所有恐至陰生陽之兆

明葉子奇草木子

魏明帝青龍三年張掖郡刪丹縣金山玄川溢涌寶石負圖狀象靈龜廣一丈六尺長一丈七尺一寸圍五丈八寸立於川西有石馬七其一仙人騎之一羈

絆其五有形而不善成有玉匣闕蓋於前上有玉字玉玦二璜一麒麟在東鳳鳥在南白虎在西犧牛在北馬自中布列四面色皆蒼白其南有五字曰上上三天王又曰述大金大討曹金但取之金立中六金馬一匹在中大告開壽此馬甲寅述水凡中字六金字又有若八卦及列宿字彗之象焉世語曰又有一雞象搜神記曰初漢元成之世先識之士有言曰魏年有和當有開石於西三千餘里繫五馬文曰大討曹及魏之初興也張掖之柳谷有開石焉始見於建

安形成於黃初文備於太和周圍七尋中高一仞蒼
質素章龍馬麟鹿鳳皇仙人之象粲然咸著此一
者魏晉代興之符也至晉泰始三年張掖太守焦勝
上言以留郡本國圖按今石文文字多少不同謹具
圖上按其文有五馬象其一有人平上中執戟而東
之其一有若馬形而不成其字有金有中有大司馬
有王有大吉有正有開壽其一成行曰金當取之

志○集
事淵海

魏明帝青龍三年氐池縣大柳谷口夜激波踊溢其

聲如雷曉而有蒼石立水中長一丈六尺高八尺白
石畫之為十三馬一牛一鳥八卦玉玦之象皆隆起
其文曰大討曹適水中甲寅帝惡其討也使鑿去為
計以蒼石窒之宿昔而白石滿焉至晉初其文愈明
馬象皆煥徹如玉焉

同上
同上

南齊武帝永明七年有瑞石浮海來入吳境朱法讓
獲之獻于朝帝方建禪靈寺乃以石造佛像高六尺

餘而嚴奉焉

釋氏
通鑑

謙謙子曰嘉靖初年漢人于茗溪中網得一石圓大

如鵝子內鏗然有聲擊碎之有銅牌一方上刻宣聖
二字東沙劉子熠曰其殆前次開闢有此牌渾沌之
時灰砂滾而包裹之者乎王文祿文
昌旅語
青鳳子新安楊不棄精于鑒別法書名畫吳用卿所
刻新帖皆其審定鈎摸石上不棄鄉人有得一石于
水濱狀如鴛子而青瑩可愛以揚千錢易之恒以自
隨作鎮紙及揚來燕有外國人數來看之不忍釋手
揚詢之其人曰此名青鳳子即吾土價不貲于是聲
價一旦貴踴有一兩殿供事許以千金易去進內闈

為禁中寶重夫此一石也弃之水濱與瓦礫無異一
遇知者遂為上方大寶物固有遭與不遭如此哉胡明

應麟甲
乙刺言

郡國志宋武北伐南燕至吠狗山夜聞狗吠明日視
之見石狗焉明彭大翼
山堂肆考

夷堅續志分寧陳甫山莊有槌藁石陳夜步月忽聞
雞鳴於石上即而視之不見移石於數步外至次宿
鳴如故復携石以歸置之月下雞必鳴其子剖視之
中有雌雄二雞文采可觀同上

夷堅續志宋宮有靈鵲石石中有鵲每天將明聞其
噪聲宋南渡得之晉州同上

水經注范文本日南西捲縣奴也為奴時牧於澗中

得兩鯉魚欲私食之即知詰文文詐云將礪石還非

魚也即至魚所果見兩石文異之石有鐵文因入山

中就石治鐵作兩刀舉刀向石彰咒曰鯉魚變化治

石成刀斫石鄣破者是有靈神文當治此因斫石鄣

如龍淵干將之斬蘆芻遂君其地同上

蘓子瞻恠石供禹貢青州有鈔松怪石解者曰怪石

石似王者今齊安江上往往得羨石與玉無辨多紅

黃白色其文如人指上螺精明可愛雖巧者以意繪

畫有不能及者豈古所謂怪石者耶凡物之醜好生

於相吾未知其果安在也使世間皆若此則今凡石


覆為怪矣海外有形語之國口不能言而相喻以形

其以形語也捷於口使吾為之不已難乎明陳希顏

集

馬氏曰抄馬抑之曰武清縣民家石臼與隣家輓軸

皆自滾至麥地上跳躍相鬪鄉人聚觀以木隔之皆




損折鬪不可解至晚方息鄉人怪之以白沈汙地以
軸墜深坎相去各百餘步其夜軸與白復鬪於池邊
地上麥苗皆壞秀才李廷瑞目擊其事來京師請問
於予余曰此石妖也今失其性所致無情之物相格
鬪者古亦有之唐天寶中汝南葉縣有二土塊相鬪
中有血出數日不止後齊河清中殿上石自起兩兩
相擊是皆無血氣無知覺非人力不可動之物而自
鬪如此載在信史子皆以為誕乎同
古今詩話江外有石人破之其形色皆類月歐陽文

忠有月石詩云二曜分為三固為佳句尚念未決子
美見之作詩寄之云我疑此山石又為月照着老蚌
吸月月降胎水犀望星星入角形霞燦石變丹砂白
虹貫巖生美璞永叔見之曰此精通物理也同
正德六年桐君山下傍江有石發白光皎潔閃爍圓
大如簸箕每日自己至未射人目燭數里遠近皆往
觀如是者彌月而止明朱國禎湧幢小品
風嵐石沃焦山有石飄落海岬得之滴水磨硯染物
晝見夜隱此石與蚌疾相反明范貞一典籍便覽

石中松武宗時夫餘國貢松風石方一丈中有枯松
盛夏颯涼飈生於其間置之几案可以却暑同
負嶠山一名環丘有雲石駁駱如錦川扣之則片片
蕭蕭然雲出俄而遍潤天下西有星池有爛石常浮
于水邊其色紅質虛似肺燒之有煙香聞數百里煙
氣升天則成香雲遍潤則成香雨拾遺記○明陳
耀文天中記
椿機石○漢武帝令張騫使大夏尋河源乘槎經月
而至一處見城郭如州府室內有一女織又見一丈
夫牽牛飲河騫問曰此是何處荅曰可問嚴君平織

女取椿機石與騫而還後至蜀問君平君平曰某年
某月客星犯牛女椿機石為東方朔所識荆楚歲
時記昔
有一人尋河源見婦人浣沙以問之曰此天河也乃
與一石而歸問嚴君平云此織女支機石也集
林嚴遵
仙槎唐置之於麟德殿長五十餘尺聲如銅鐵堅而
不蠹李德裕截細枝尺餘刻為道像往往飛去復來
廣明以來失之槎亦飛去洞天
集元豐末有人携支機
石頭投進者廣可二斗許不圓微莪而碧色天漢左
界北斗經其上南墅間居
錄○同上




天順間武功伯被謫金齒過某寺見老僧治果茗遠
迎於道武功訝而問焉僧曰吾寺有石羊有異人君
子至則鳴宋時一鳴有蘇相至昨夕復鳴而公適至
知為異人故治果茗以進明侯甸西
樵野記
山西澤州有一石神妖物也淫具悉備婦人凡求子
者不別貴賤輒往就之即妊焉嘉靖初東御史郊謫
判於此令民碎之上同

涌泉石○樞密學士蔣公知府事得片石大如席上
有數十竅莫知所施公問石工對曰此蓋涌泉石也

乃於飲亭下鑿地為埕置石其上夏日從旁激水灌
之躍高數尺以清暑氣明司馬社司馬
溫公傳家集

姑蘇閭闔門內二里夜有二石馬飲于河天曙為負
芻者驚見叱之遂昂首而止是曉遍訪市野城東禪
法寺有一妙善公主墓已失二石馬矣地人懼其復
為怪損其額遂墮於此今名石馬鞍頭此元末國初
之事也西樵野記○明施顯卿奇
聞類紀摘鈔○紀錄彙編

華岳掌其石如人肉色每太陽對照則見之日暮則
漸隱不見明陳繼儒
珍珠船



桐君入山得鳴石雞春碎為藥服之有聲氣雞色丹
大如燕常在地中應時而鳴吳寶鼎元年貢琥珀燕
置靜室室中時一鳴翔此之類也

明陳繼儒
香案牘

風松石方一丈瑩徹如玉其中有樹形若古松偃蓋
颯颯焉而涼颼生于其間至盛夏上令置於室內稍
秋氣颼颼即徹去

明陳繼
儒銷夏

三學山有飛石乃自雲頂飛來先是寺有楠樹已枯
石離而為二有王頭陀語曰五百年後寺當廢若楠
再生石再合然後復興果如其言

明陳仁錫潛
確居類書

漢名臣奏云伏聞東平國無鹽縣山中有大石無故
一夕自起立臣愚以為石者陰類殆有微人當紹起
者漢興來與今再見其一正以昭帝無繼嗣見今又
以陛下無繼嗣復見

同上

後漢光武夜至趙州南迷路聞人語問之弗應見二
人立傍怒拔劍斬之其一急走熟視之乃石也

趙州志

明劉仲
達鴻書

郎瑛曰春渚紀聞有久蓄碼碯大硯注水硯間則水
中有一小鯽游泳可愛去水則無也夷堅誌載人有

銅盆凡水注滿則雙鯽撥刺出水矣無水無之予未
 之信後抗醫朱某家造墳得土中二磁碗偶注酒於
 中則頃刻有綠苔浮滿酒中飲之又未嘗有物也又
 人有礪石水盆架於天井中水滿則綠苔浮面去水
 則無與古人所載魚事相同不知此為何等異寶七脩

○明張鼎思
 瑯琊代醉編

宋潛溪文集內記一事昔有波斯國商人來閩相古
 墓有寶氣乃謁墓隣以錢數萬市之墓隣斬而不與
 波斯曰汝無痛爾也此墓已無主五百年矣墓隣始

受錢波斯發之見棺衾肌肉潰盡惟心堅如石鋸開
 觀之見佳山水青碧如畫傍有一女艷粧凭欄凝時
 蓋此女生時有愛山之癖朝夕吐吞清氣故能融結
 如此此孟子所謂志一動氣也明梅純損齋備忘
 錄○今獻彙言

麻
小
類
七
三

